



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1843

LXXXI. Das Domcapitel zu Havelberg ertheilt seinen Consens dem Markgrafen Johann George, das bischöfliche Tafelamt Schönhausen an die von Bismark gegen deren Antheil an Burgstall zu vertauschen, im ...

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

LXXXI. Das Domcapitel zu Havelberg erteilt seinen Consens dem Markgrafen Johann George, das bischöfliche Tafelamt Schönhausen an die von Bismark gegen deren Antheil an Burgstall zu vertauschen, im Jahre 1563.

Wir Probst, Dechant, Senior vnd gantz Capittel In gemein der Thumbkirchen zu Havelberg, Bekennen hirmit vor vns vnd alle Vnser nachkommen am Capitel dieser Kirche. Nachdem der Durchlaucht Hochgeboren Fürst vnd Herrn, Her Johans georg, Marggraf zu Brandenburgk, zu Stettin, Pommern der Cassuben, wenden vnd in Schlesien zu Crossen Hertzog, Burggraf zu Nurmbergk vnd Fürst zu Rugen, Jobsten vnd Jorgen den Bismarken gegen abtretung Ires antheils an deme Hauße Borgstall vnd dessen zugehörigen gutern vnd gerechtigkeiten, vñ geschlossene permutation vnd wechsel, Das Ampt schönhausen mit den Dörffern schönhausen, Fischebeck vnd andere darzu gehörige Feltmarcken vnd gutern, Inhalt der vsgerichteten vortrege, Erblich vnd eigenthumblich vor sich vnd wegen des Stiffts Havelberg abgetreten, vbergeben vnd eingereumbt, Das wir demnach vñ S. f. gn. gnedigs ansinnen vnd auf vorgehabten Rathe bedencken, auch aus sondern bewegenden Ursachen vnd sonderlich, do seine fürstliche gnaden sich erbotten, Dem Stifte dokegen dergleichen ampt vnd guth, als schönhausen mag gewirdigt werden, von andern Irer fürstlichen gnaden Emptern wiedrumb zu Incorporiren vnd zu widerstatten, vnsern Consens vnd bewilligung, mit vorzeihung alles, was sonst der voränderung der geistlichen guter vormug Bebüllicher vnd keyferlicher beschriebenen Rechte vnd satzungen dawieder sein mochte, Dazu wissentlich vnd wolbedechtiglich gegeben haben, thun auch das hiemit vor uns vnd alle vnser Nachkommen am Capittel, Als es zu Rechte vnd sonst am bestendigsten vnd cräftigsten geschehn solte, Kondte oder mochte, In Chrafft vnd macht diez briefs vngeferlich, vnd dessen zu einer vrkunde vnd gewilheit, haben wir vnser Kirchen vnd Capitels groß Insiegel vnten an diesen vnsern brief hangende wissentlich eingedruckt vnd vnß so uiel der Itzo bey der Kirchen vnd Im Capittel Jegentwertig gewesen mit eigenen Händen vnderscriben. Geschehn vnd gegeben zu Havelbergk In vnserm Capittel Hauße, Montags In den Heiligen Ostern Nach Christi vnser Heilands geburt Ein thausent funfhundert vnd darnach Im Drei vnd Sechtzigsten Jare.

Nach dem im K. Geh. Ministerial-Gesamt-Archive befindlichen Concepte.

LXXXII. Statuten des Domcapitels zu Havelberg, vom Jahre 1581.

Nos Praepositus, Decanus, Senior, totumque capitulum Ecclesiae Chatedralis Havelbergenis pro nobis nostrisque successoribus publice profiteamur. Postquam Ecclesiae nostrae statuta antiqua, diligenti cura atque animo attentiori perlegimus et revidimus imprimis iuramentum, quod Canonici intrantes hactenus nobiscum iurarunt, Duximus ob aliquos, non necessarios imo perniciosos Articulos, idipsum coarctandum, Corrigendum atque in aliquibus omnino tollendum esse, ne successorum nostrorum conscientiae per illicitas, injustas et perniciosas iurationes in aliquo laederentur aut affligerentur. Constitui- mus itaque, ut in posterum quilibet Canonorum in subscripta formula juret; alioquin nullo unquam tempore, in Canonorum numerum, hac ipsa exclusus et demotus inobedientia, recipiatur.